



UNIVERSITÄTS-
BIBLIOTHEK
PADERBORN

Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Landsberg, Johannes Justus

Coloniae Agrippinae, 1630

Quod S. Augustinus vitam Apostolorum, primorumq[ue] Christianorum in
Africa inter suos Canonicos instaurauerit. Cap. X.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

& postea Christianus factus est, multa scripsit, & plurimum eos probauit & laudauit, quod in Alexandria sub S. Marco præclaræ religionis vitam in magna castitate & laudatione Dei mane ante lucem cantando peragerent: velut adhuc benè constitutorum cœnobiorum status in vsu habet, noctibus ad mane vsque nocturnâ Dei laudes canere, En quod S. Marcus, de quo scribit Philo, suo tempore in Alexandria, vbi Episcopus erat, innouauit redintegraitq; eandem vitam, quam Apostoli Hierosolymis post ascensionem Christi exorti erant, quæ etiam propter illam, quam dictum est supra causam, formæ interierat. Ita factum est, vt etiam illi, qui ex Ethnicismo ad fidem venerant (velut in Aegypto, in Thebaide, in Syria, in Palestina & circiter innumerabili populi multitudine religionem talem susceperint, qui se à ciuitatibus & cohabitationibus aliorum hominum (qui eius voluntatis non erant) sequestrauerunt, & eremiticam siue monasticam vitam duxerunt masculi & feminei sexus homines, alijs tamen ab alijs in diuersa disiunctis monasteria. Inter illos multi magna sanctimoniam inclyti fuerunt, toti ferè mundo celebres, videlicet, diuus Antonius, Paulus, Hilarion, Macharius, & ceteri. Per quos hoc vitæ genus ingens augmentum propter sanctum eorum exemplum, doctrinas & miracula, accepit. E quibus plerique vitæ monasticæ conscriptas regulas contubernibus, futurisq; nouis fratribus suis, dederunt, vt tanto citius addiscere & obseruare istas consuetudines ritusq; religionis possent, & vt talis vsus & ritus, quem Apostolicæ vitæ formæ adiecerant, consimiliter ab omnibus conseruaretur. Ex his fuit vnus Pachomius cui Angelus Dei regulam quæ etiamnum dicitur pro monachis, qui ei subditi erant in vno cœnobio vltra mille, dedit. Item Deodatus & Basilius cuius regula vltra mare in media Syria, vbi adhuc monachi nonnulli reperiuntur, etiamnum obseruatur.

Marcus Alexandria vicam Apostolicam instaurauit.

Monastica & Apostolica vita per quos plurimum propagata.

D. Pachomio regula cœlitus tradita D. Basilij regula.

Quod sanctus Augustinus vitam Apostolorum primorum, Christianorum in Africa inter suos Canonicos instaurauerit.

Capitulum X.

Successit his insignis doctor Augustinus, qui eandem formam vitæ Apostolorum, primorumq; credentium in Hierusalem, introducere & inchoare in Africa studuit, & cum ad illam non quosuis idoneos esse sciret, regulam secundum formam primorum credentium in Hierusalem, composuit, iuxta quam clerici & canonici sui sub ipso in cœnobio quodam simul victitabant. Hanc communem siue cœnobiticam vitam æmulata etiã vetusta collegia, quæ cathedrales Ecclesiæ, Monasteria, Canonici vel etiã cœnobita nominantur, fuerunt: quanquam, qui in huiusmodi collegijs siue monasterijs habitant Canonici, & non monachi iam appellantur. Sicut antiquorum monasteriorum structura, quæ tam sunt vetustæ, vt à sancta Helena partim ædificata sint, fabricatione & constitutione sua, simulq; præcis statutis indicium certum præbent, monasticæ vitæ studiosos illic communiter victitasse. Constat id ipsum etiam liquido ex veterum quorundam vitis Episcoporum, qui ante mille & eo amplius fuere annos. De sancti Augustini

August in Africa Apostolicam seu cœnobiticam vitam instituit.

Monachorum vitam vetusta Canonorum collegia tenuit.

Canonici
seculares a
primo suo
instituto de-
seruerunt.

August. ut
monastica
vitam con-
tra obrecta-
tores defendit.

stini vero propagine ista forma adhuc apud eos, qui Regulares Canonici vocitantur, manet, qui etiam tria illa vota vna cum monachis in sua regula susceptione, siue professione obseruant. Canonici autem, qui nunc seculares, discriminis causa, dicuntur, quum sine votis in forma, cenobij vixerint vna habitantes, in illum statum ab antiqua illa institutione in alium modum (velut nunc cernere est) se commutauerunt. Regulam quoque sancti Augustini multi ordines, qui postea sunt exorti, sunt amplexi. Et hodie maxima monasticorum ordinum pars, regulam sancti Augustini est amplexata: quae nimirum primae illi vitae Apostolorum primorumque discipulorum Domini inchoationi inuititur. Haec est defensio, qua sese Augustinus contra Petilianum haereticum talesque multos (quales adhuc hoc tempore sunt) obrectatores tuetur, qui obloquebantur illi, quod nouam sectam vitam monasticam a se in Africa inlicita commentus esset. Quibus ille respondit, sicut in lib. contra illum haereticum inuenies, monasticam vitam non esse nouam sectam, sed primam & antiquissimam vitam Apostolorum ex verbis Christi sumptam, & pro omnibus Christianis institutam siue inchoatam, & a primis obseruatam Christianis. Sed cum tolerabilis omnibus non esset, & propterea in plebe sepe occidisset, se illam in Africa pro quibusdam, qui maiori ac speciali sese aut vellent, aut deberent religioni addicere, redintegrauisse.

Quod post diuum Augustinum alij per plures vitam monasticam multis alijs locis exsuscitauerint.

Cap. XI.

B. Benedi-
ctus ut cen-
obiticam
auscit vitam
D. Bruno
Carthusiani
propositi
auctor.

QUUM vero huiusmodi religiosa monasticaque vita ultra mare, scilicet in Aegypto, Thebaide, Palestina, Syria, Africa, dilatata propagataque fuisset, post sanctum Augustinum editus diuus Benedictus eandem inuectam per totam ferme Europam sparfit. Post hunc egregius doctor Parisiensis, ex sancta Colonia Agrippinensi oriundus D. Bruno prodiens, occasione insigniter eruditi cuiusdam doctoris (qui vitae bonae existimatus fuerat, & tamen post obitum, antequam sepultus esset, se ex feretro erigens perenniter condemnatum esse proclamauerat) ordinem Carthusiensem, hoc est, anachoreticam monasticamque vitam simul copulatam, primum in Sabaudia, mox in Calabria inchoare commotus fuit. D. Franciscus monasticen in summa paupertate in Italia capit: Similiter sanctus Dominicus in Hispania.

Quod tam multiplices religiosorum ordines in tribus illis votis a Christo contra tres illas maximas peccatorum causas propositis inuicem consentiant.

Caput XII.

Ordines
monastici
in quibus
consentiant

ET quamuis religiosorum talium varij ordines adiuuenti, diuersisque temporibus secundum Apostolicam vitae formam instituti sint, qui in multis propter medium finem, per quem aliter atque aliter ad vltimam se finem dirigunt, distinguantur, in tribus tamen illis votis, vepote spontaneae paupertatis, continentiae, & obedientiae consentiunt & concordant.